



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Theses Theologicae De Peccatis Ignorantiae Et
Potissimum Ignorantiae Juris Naturae**

Huygens, Gommarus

Lovanii, [1683?]

Conclusio Prima. Ignorantia & Concupiscentia sunt pœna peccati.

urn:nbn:de:hbz:466:1-40433

C O N C L U S I O P R I M A.

Ignorantia & Concupiscentia sunt pœna peccati.

Ecit Deus, inquit Aug. hominem rectum, ac per hoc voluntatis bona: non enim rectus esset bonam non habens voluntatem. Et alibi: Christiano dubitare fas non est, rectum & omni virtute carentem creatum esse hominem primum, in quo omnium hominum concreata natura est. Item, Erat in eo deavitatio tranquilla peccati, quæ manente nullum omnino aliunde malum quod contristaret, irruerat. Hæc & alia similia Aug. diversis locis. Hinc consequaneum est quod homo in isto felici statu non habuerit imperitiam vel infipientiam, non ignorantiam, nec errorem, aut cæcitatem: siquidem illa & vitia sunt & mala sunt. Ulterius hinc consequaneum, quod ista in hoc statu sint pœna. Non enim parva pœna est, ut ait Aug. ipsa insipientia vel imperitia: idem procul-dubio censendum de ignorantia, errore & cæcitate. Si pœna sunt, peccati pœna sunt: omnis namque pœna, ut idem ait: si justa est, pœna peccati est. Ex quibus cum Augustino concludimus: approbare falsa pro veris ut erret invitus, non est natura instituti hominis, sed pœna damnati; adeoque ut imperitus, insipiens, ignorans, cæcus sit, similiter non est natura instituti hominis, sed pœna damnati. Quemadmodum in illo felici primi hominis statu, id est, ante peccatum, non erant prædicta vitia intellectus, ita quoque non erant vitia appetitus, ut sunt concupiscentia, infirmitas & malitia; quæ omnia, ut & difficultas recte vocantur concupiscentia, quatenus ab hac producuntur. Illa omnia cum non minus quam ignorantia, sunt vitia & mala, etiam non minus sunt pœna peccati: peccati ergo pœna est quod in hoc statu caro concupiscat adversus spiritum, item ut non quod volumus bonum hoc faciamus. Hoc bellum, inquit Augustinus, nunquam ullum esset si natura humana per liberum arbitrium in rectitudine in qua facta est perficitur: nunc vero quæ pacem felix cum Deo habere noluit, secum pugnat infelix. Hæc de illa rebellione, de infirmitate in hunc modum: in Paradiso etiam non omnia poterat homo ante peccatum, quidquid tamen non poterat non volebat, & idem poterat omnia quæ volebat. Nunc vero sicut in ejus stirpe cognoscimus & Divina Scriptura testatur, H O M O V A N I T A T I S I M I L I S F A C T U S E S T. Quis enim enumeraret quam multa quæ non potest velit; dum sibi ipse, id est, voluntas ejus, ipse animus ejus, eoque inferior caro ejus non obtemperat. Ex his rursus cum Augustino concludimus, sunt revera peccanti anima duo ista pœnalia, ignorantia & difficultas, sive concupiscentia, quæ difficultatis, infirmitatis, malitia & pugnae hominis adversus seipsum causa est. Non solum ex eadem origine, peccato scilicet, primitus nascuntur ignorantia & concupiscentia, sed etiam inde, in & ex se mutuo accipiunt incrementum, ut pro magnitudine, multitudine ac duratione peccatorum augeantur concupiscentia & ignorantia; & quod major coecupiscentia, eodem major fiat ignorantia; sicut ex adverso quod major ignorantia, major etiam fiat concupiscentia. In hunc modum via Impiorum tenebrosa, recessum ubi corruunt, nam indefigibili lege spargit Deus pœnales cæcitates super illicitas cupiditates: ita à concupiscentiis iter ad ignorantias, ab ignorantias ad concupiscentias, ab his redditur ad majores ignorantias, sicuti & majoribus ignorantias ad majores concupiscentias. En quomodo in circuitu impi ambulant.

II.

Abaëlardus negavit dari peccata Ignorantiae: eadem doctrina infertur ex sententia cuiusdam Vlici Ionson.

EX anteriori Conclusione evidens est veri nominis, sive formalia peccata sepiissime committi tam ex ignorantia, quam ex concupiscentia. Unde Abaëlardus non minus consequenter, quam erroneè dixit, concupiscentia & ignorantia nullum peccatum committi:

con-